

DEO OPT. MAX. UNI ET TRINO, VIRGINI DEIPARÆ, ET SANCTO LUCÆ ORTHODOXORUM MEDICORUM PATRONO.

QUÆSTIO MEDICA

QUODLIBETARIIS DISPUTATIONIBUS MANE DISCUTIENDA

IN SCHOLIS MEDICORUM DIE JOVIS I. DECEMBRIS.

M. PETRO YON Doctore Medico, Præside.

An mulier ætate provec̃ta, cui menſtrua dudum defecerunt, gravidari poteſt?

VIX orta in lucem lapſu præcipiti ruunt in interitum animantia, quorum jaſturam ut reſarciret natura ſolers, ſpeciei propagationem certis addixit partibus: ex miro fabricatæ artiſicio in perfectis animalibus ſexum diſtingunt mare & femina, ita ut ille in eâ, hæc in ſe generationis abſolvat liturgiam, nulli animali non gratam, cui ſi recuſantur, naturæ repugnas & Deo. Ad hoc nobiliſſimum opus venire aſymbolum neminem conſtat: per hæc humorem album, grandinis in morem glomeratum, ſpumæ agentem, & ſpirituum uberitate perſuſum, his inſtructum dotibus nullum femina ſuppeditat, ſed limpida, tenuem & æquem mucum, ſpirituum & caloris pauperatæ ita hebetem, ut incautus mulieribus partuum frequentia vel doctiſſimis graviditas sæpè ſæpius obreperit citra ullum utilitatis ſenſum qui percipi amat in aphrodiſiâ palæſtrâ: utrumque ſemen ſi placet appellare, decerptum ex illo multum, ex hæc nihil aut parum expromit efficacitatis, quæ compenſatur eo etiam ſanguine, quem ubi poſita ſunt ſemine prima rudimenta pertendæ, alendæ, & augendæ proli ſufficit.

HUNC vitij expertem eſſe ſuadet ſuave-rubens color & fontis è quo fluit ſalubritas, quam ſi exuerit longo locis in muliebribus ſitu, tragedias movet corporis plerumque & mentis commotione infames: ſic ſolâ copiâ gravis, vel impenditur in foetum, vel definitâ periodo ſingulis ut plurimum menſibus, ducto inde menſtrui nomine, tres quatuorve dies ſenſim deſluit: huic ſi ſolita intercluditur via, alias & commiſcitur natura, ex alveolo dentis evulſi, vomitione, anacanthaſi, aut reſeratis venis quæ ad ani marginem aut naſi radicem excurrunt, nonnunquam & urinis craſſis & ſubnigris importuno onere expeditura mulierem, quæ integrè ſana ſubſiſtente cruentâ illâ colluvie nec aliò traductâ habere in utero certò certius aſſeverat: tunc retenti ſemini & jam expaſi in ſtamina explet rimas & intervalla, foetum quem inchoatum & perfectum alit & amplificat, ſed infelicis cum ſanguis foras affectat viam, donec ille grandior perſectis repagulis iter ſibi patefecerit ad vitales auras: at morbo non ita pridem deſuncta effecta quidem, ſed vix facta ſiet; ſi tamen prægnans & extenuata ſimul alvo contineat, concepti ſemini ejectionem aut abortum paſſura eſt priùs quàm habitudini præſcæ reddatur: ſcilicet exucci & aridi ſectus demum quo ſaginetur abripit mulier, quæ ideo ſi junior, vix audiet mater quin debitam ſtaturam adepta ſit vel ei quidpiam decedat.

NON te falſa producat ſobolis mox aſſuturæ ſpes quoties ſanguinis ſolenni ritu fluxuri motus ſiſtitur: Equidem illa, cujus macies & natura virilis æmula ſequioris ſexû longè ſuperat ſortem, luculento calore potens reſiduum aut cumulat nullum, aut abligurit omne, aut ducit in pilos, aut per patenteries cutis mæandros in auras extenuatum exigit, per uterum nihil. Pariter & quæ lacte dives præbet uber puero lactenti, qui nectaris ſuaviſſimi copiâ inſuetum ſugendi laborem demulceat, nullo maculabit induſia ſanguine, an hinc ad mammas recurrente quo lacte urgeant? Illius ſecundo circiter per uterum citati primùm, ſeptimo frequentius ſeptenario curſus ultimum intercipitur, ocyus nonnunquam & ſeriùs, ſanâ adventante & urgente ſeneſcente ſemper; quia longâ annorum ſerie ætatæ partes ſanguinem cudent frigidiorem & parcioiorem vix per ſolita quondam loca, rugis nunc & marcore confidentia ferendum. Quiſquis dulces exoptas gnatos, nullo habito cum illis mulieribus commercio, alterius fructu amplexibus, quæ ſi provec̃ta paululum ſed non decrepitâ ætate uterum nullo pridem erumpente ſanguine ſordidatum accommodat, te pulchrâ validâque prole parentem beabit.

AUTUMNUS labens hyemis instantis prodromus gratâ vice ridentis dici æquat immò & ſuperat interdum veniæneuntis ſerenitatem, ita & juvenis fecunditatem emeritis annis plena & jamjam matura mulier, quæ ſi pingui mollique otio diſfluens magnifico apparatu & vita cultu cum elegantia & copiâ delectetur, lautiſſimiſque menſarum cupidis bellè ſubſarcinatum corpus longo committat morphæ, eo luxuriabit ſanguine brevi-ceſſuro in generationis opus, & qui oblitus dudum ſtati circuitus intus ſervatur eâ copiâ quæ ſufficiat proli, ad quam edendam inutile eſt ſanè quòd aliquando prodierit foras, cum mulierem huic nunquam proluvio mancipatam ſpes gratiſſima poſteritatis etiam conſoletur: ſic nec junior nec ſenior annis eum tenebit inter utramque ætatem modum, ſuperſtuum quidem, ut illa reſervando ſanguinem, ſed hujus inſtar non amplius excernendum. At ne coërcitus & de domeſtico factus peregrinus illam malè habeat, ſi eo ad ſecum non utitur, abutitur & ad adipiſcendum corporis habitum ſolidum & ſucci plenum, qui egregiæ formæ venuſtatem majestate conjunctam ita exornat, ut nullius ſibi non devinciatur obſervantiæ cultum & amoris ſingularis.

MULIER hæc quæ amoris cauſam præ ſe, ejusdem, etiam & effectum in ſe ferre poteſt, ad quem nullius eſſe momenti puta quòd ſolitam à pluribus annis viam per uterum inſiſtere deſerit ſanguis, modò ejus quid reſidui abſumatur in foetum: tunc uxorium penſum ſtrenuè accurando non ludet operam, & potiſſimum ſi dudum vidua carere viro, cujus deſiderium ut leniat blanditis pridem inexpertis, nupta iterum jungatur alteri, juveni, & pervigili vomere prædium muliebæ alacriter revolvendi, quò vitam exigat genialem: quamobrem ſerventi ſanguine calentibus venis aſtuante intermiſſa diu venus recoletur ſuaviùs, & voluptatis arcem igne cæco deſagratem quam blandè mitigabit aliò quondam migrans è nunc revocatus ſanguis, qui ſemen utriuſque parentis commodum naſcus eique intertextus, foetum promovebit, aler, augebit & corroborabit, ut maturus feliciter excludatur à matre, quæ licet eo graviditatis tempore aliquid ſaginæ depoſuerit, inſtante tamen partu vegeta non implorabit opem Proſæ & Poſtvortæ. Sic quoque & ros ſanguineus motu periodico non ſtillat ex utero brutarum animantium, quæ nihilominus valentes foetus procreant, ſed priùs libidinis ceſſo percitæ, cum copioſus ſanguis latebris abditus morâ factus acrior partes eas fodicit exquiſito donatas ſenſu, donec benefico maris ſemine mitificetur, aliàs nihil moleſtiæ pariturus.

Ergo mulier ætate provec̃ta, cui menſtrua dudum defecerunt, gravidari poteſt.

DOMINI DOCTORES DISPUTATURI

M. Philippus Mathon.
M. Raymundus Finot.
M. Robertus Raoul.

M. Mathæus Thuillier, Scholarum Profeſſor.
M. Ioannes Baptiſta Ferrand.
M. Carolus Marteau, rei Herbariæ Profeſſor.

M. Claudius Guérin.
M. Petrus Yvelin, Medicus Regis ordinarius & Sereniſſimæ Aurelianenſium Ducisſæ Medicus primarius.
M. Mathurin Denys, Profeſſor Regius.

Proponcbat Lutetiæ RENATUS CHAUVEL, A. R. S. H. 1672.

